

陝西通志

第五  
卷五  
冊五

陝西通志第六十四卷

人物十

隱逸

周

漢陰丈人者楚人也子貢適楚過漢陰見丈人方將爲圃畦鑿隧而入井抱甕而出灌搨搨然用力甚多而見功寡子貢曰有械於此挈水若抽其名爲槩用力甚寡而見功多丈人作色而笑曰聞之吾師有機械者必有機事有機事者必有機心機心存於胸中則純白不備純白不備則神生不定神生不定者道之所不載也吾非不知羞而不爲也子貢矜然慚俯而不對莊子

段干木晉人也少貧且賤乃治清節游西河師事卜子夏與田子方干木守道不仕魏文侯欲見就造其門干木踰牆而避文侯文侯

以客禮待之出過其廬而式其僕問曰干木布衣也式其廬不已甚乎文侯曰干木賢者也不移勢利懷君子之道隱居窮巷聲馳千里吾敢不式乎干木先乎德寡人先乎勢干木富乎義寡人富乎財勢不如德貴財不若義高又請為相不肯後卑已固請見與語文侯立倦不敢息文侯名過齊桓公者蓋能尊段干木敬卜子夏遊田子方故也

高士傳

**楊碩**華陰人隱居華山仙谷交結名士洞習天文知秦將亡漢當興生八子俱從高祖征伐第八子喜擊殺項羽有功封赤泉亭侯餘皆將軍乃賜碩太史公

馬志

**邵平**者故秦東陵侯秦破為布衣貧種瓜長安城東瓜美故時俗謂

之東陵瓜從邵平以爲名也

史記蕭相國世家

四皓者皆河內軹人也修道潔已非義不動秦始皇時見秦政虐乃

共入商洛隱地肺山以待天下定漢高聞而徵之不至

高士傳

上欲

廢太子立戚夫人子趙王如意呂后恐乃使建成侯呂澤劫留侯

曰爲我畫計留侯曰此難以口舌爭也願上有不能致者天下有

四人四人者年老矣皆以爲上慢侮人故逃匿山中義不爲漢臣

然上高此四人今公誠能無愛金玉璧帛令太子爲書卑辭安車

因使辯士固請宜來來以爲客時時從入朝令上見之上知此四

人賢則一助也於是呂后令呂澤卑辭厚禮迎此四人四人至客

建成侯所黥布反上病欲使太子將往擊之四人相謂曰凡來者

將以有太子太子將兵事危矣乃說建成侯曰君何不急請呂后

承間爲上泣言呂澤夜見呂后呂后爲上涕泣而言如四人意上

擊布還愈欲易太子及燕置酒太子侍四人從太子年皆八十有餘鬚眉皓然衣冠甚偉上問曰彼何爲者四人前對各言姓名曰東園公用里先生綺里季夏黃公上大驚曰吾求公數歲公避逃我今公何自從吾兒遊乎四人皆曰陛下輕士善罵臣等義不受辱竊聞太子仁孝恭敬愛士天下莫不延頸願爲太子死者故臣等來耳上曰煩公幸卒調護太子四人爲壽畢趨去上目送之召戚夫人曰我欲易之彼四人輔之羽翼已成難動矣呂后真而主矣

史記留侯世家

呂后德之將官爵之四人復入商山呂氏不能留

商隱說

東園公姓唐名秉字宣明綺里季姓吳名實字子景夏黃公姓崔

名廣字少通用里先生姓周名術字元道號稱四皓

鴻書

擊峻字伯陵長安人少治清節與太史遷交好峻獨退身修德隱於岼山遷既親貴乃以書勸峻曰遷聞君子所貴乎道者三太上立

德其次立言其次立功伏惟伯陵材能絕人高尚其志以善厥身  
冰清玉潔不以細行荷累其名固已貴矣然未盡太上之所由也  
願先生少致意焉峻報書曰峻聞古之君子料能而行度德而處  
故悔慙去於身利不可以虛受名不可以苟得漢興以來帝王之  
道於斯始顯能者見利不肖者自屏亦其時也周易大君有命小  
人勿用徒欲偃仰從容以遊餘齒耳峻之守節不移如此遷爲李  
陵遊說下腐刑果以悔慙被辱峻高尚不仕卒於岍岍人立祠號

曰岍居士世奉祀之不絕

高士傳

楊王孫城固人學黃老之術家累千金厚自奉養生無所不致病且  
死令其子曰吾欲裸葬以反吾真必無易吾意死則爲布囊盛尸  
入地七尺既下從足引脫其囊以身親土其子不忍往見王孫友  
人祁侯祁侯與王孫書王孫曰夫厚葬誠無益於死者而俗人競

以相高靡財單幣腐之地下或乃今日入而明日發此真與暴骸  
於中莖何異且裹以幣帛隔以棺槨支體絡束口含玉石欲化不  
得鬱爲枯腊千載之後棺槨腐朽乃得歸土就其真宅由是言之  
焉用久客曰善遂裸葬

漢書本傳

成公成帝時人自隱姓名常誦經不交世利時人號曰成公成帝出  
遊問之成公不屈節上曰朕能富貴人能殺人子何逆朕成公曰  
陛下能貴人臣能不受陛下之官陛下能富人臣能不受陛下之  
祿陛下能殺人臣能不犯陛下之法上不能折使郎二人就受政

事十二篇

高士傳

安邱望之長陵人少治老子恬靜不求進宦號曰安邱丈人成帝聞  
欲見之望之辭不肯見上以其道德深重常宗師焉望之不以見  
敬爲高愈自退損爲巫醫於民間著老子章句扶風耿况王汲

皆師事之從受老子終身不仕道家宗焉高士傳

張仲蔚者平陵人與同郡魏景卿俱修道德隱身不仕明天官博物善屬文好詩賦常居窮素所處蓬蒿没人閉門養性不治榮名時

人莫識唯劉龔知之高士傳

鄭朴字子真谷口人修道靜默世服其清高成帝時大將軍王鳳以禮聘之不屈揚雄盛稱其德曰谷口子真耕於巖石之下名震京師馮翊人刻石祠之至今不絕高士傳時人因子真所居名爲鄭泉

雲陽

宮記

衛衡字伯梁南鄭人少師隱士同郡樊季齊以高行聞郡九察孝廉公府州十辟公車三徵不應董扶任安從洛還過見之曰京師天下之市朝也足下猶之人耳何其在遠以虛名屢動徵書若至中國則價盡矣衡笑曰時有險易道有汗隆若樊季齊楊仲桓雖應



徵聘何益於時乎苟無所則尼軻恹恹是以君平子真不屈其志

其子之徒也哉吾何虛假之有安扶服之敬其言也漢中士女志

安陵清者有項仲山飲馬渭水日與三錢以償之三輔決錄

蔣詡杜陵人為交州刺史以廉直為名王莽居攝詡以病免官歸鄉

里卧不出户卒於家漢書鮑宣傳詡歸鄉里荆棘塞門舍中有三徑不

出惟求仲羊仲從之遊二人不知何許人皆治車為業時人謂之

二仲三輔決錄

楊寶震父華陰人習歐陽尚書哀平之世隱居教授居攝二年與兩龔蔣

詡俱徵遂逃遁不知所處先武高其節建武中公車特徵老病不

到卒於家後漢書楊震傳

井丹字大春鄆人少受業太學通五經善談論京師為之語曰五經

紛綸井大春性清高未嘗修刺候人建武末沛王輔等五王居

宮皆好賓客更遣請丹不能信楊侯陰就以外戚貴盛乃說  
五王求錢千萬約能致丹而使人要劫之丹既至就故爲設  
飯葱葉之食丹推去之曰以口侯能供甘旨故來相過何其薄乎  
更致盛饌乃食及就左右進丹笑曰吾聞桀駕人車豈此邪坐  
中皆失色就不得已令去釐曰是隱閉不關人事  
後漢書本傳

高恢字伯遠京兆人少治老

心虛不營世務與梁鴻善隱於華陰

山中及鴻東游思恢作詩一

嚶嚶兮友之期念高子兮僕懷思

想念恢兮爰集茲二人遂

後相見恢高抗匿耀終身不仕焉高士

傳

梁鴻字伯鸞平陵人受業太

家貧尚節介博覽無不通而不爲章

句牧豕於上林苑中曾誤

火延及他舍鴻乃尋訪燒者問所失

悉以豕償之其主猶以爲小

鴻願以身居作主人許之因爲執勤

不懈鄰家耆老見非恒人口共讓責主人而稱鴻長者鴻不受而  
去歸鄉里勢家慕其高節欲女之鴻並絕不娶同縣孟氏女擇  
對不嫁鴻聘之有頃共入西陵山中以耕織爲業詠詩彈琴以自  
娛仰慕前世高士爲四皓以來二十四人作頌因東出關作五噫  
之歌與妻子居齊魯之間入去適吳依大家臯伯通居廡下爲人  
賃舂每歸妻爲具食舉案齊眉伯通異之舍於家鴻潛閉著書十  
餘篇疾且困告主人曰愼勿令我子持喪歸去及卒伯通等爲求  
葬地於要離冢咸曰要離烈士伯鸞清高可令相近葬畢妻子歸

扶風

後漢書本傳

張楷字公超司隸舉茂才以長陵令不至官隱居弘農山中學者隨  
之所居成市後華陰山出遂有公超市五府連辟舉賢良方正不  
就順帝特下詔曰張楷仁慕原憲操擬夷齊前此徵命未至將主

者翫習於常優賢不足出其難進歟郡時以禮發遣復告疾不  
性好道術能作五里霧時關西人裴優亦能爲三里霧自以爲不  
如楷從學之楷避不肯入桓帝即位優行霧作賊事覺被考引楷  
楷坐繫廷尉詔獄積二一恒諷誦經籍作尚書注後事無驗見原

還家

後漢書  
張霸傳

韓康字伯休霸陵人常遊名山採藥賣長安市中口不二價者三十  
餘年有女子從康買藥康守價不移女子怒曰公是韓伯休邪乃  
不二價乎康歎曰我欲避名乃小女子皆知有我何用藥爲遂避  
入霸陵山中博士公車連徵不至桓帝時乃備元纁安車以聘之  
使者奉詔造康康不得已乃許諾辭安車自乘柴車冒晨先發至  
亭亭長以韓徵君當過發人修道橋見康柴車幅巾以爲田叟也  
使奪其牛康即釋駕與之有頃使者至奪牛翁乃徵君也使者欲

奏殺亭長康曰此自老子與之亭長何罪乃止康因中路迹遁以

壽終

後漢書  
本傳

邱訢字季春扶風人少有大才自謂無伍傲世不與俗人爲羣郡守  
始召見曰明府欲臣訢邪又訢邪師訢邪明府所以尊寵人者極  
於功曹所以榮祿人者已於孝廉一極一已皆訢所不用也郡守  
異之遂不敢屈高士  
傳

馬瑤茂陵人隱於沂山以兔目爲事所居俗化百姓美之號馬牧先

生

後漢書  
矯慎傳

法真字高鄉扶風郿人學無常冢博通內外圖典關西號爲大儒弟  
子負笈嘗數百人性恬靜寡似不涉人間事太守請見之真乃幅  
巾請謁太守欲以功曹相屈真曰以明府見待有禮故敢自同賓  
未若欲吏之真將在北山之北南山之南矣太守不敢復言凡辟

公府賢良皆不就同郡田羽薦真會順帝西巡羽又薦之帝虛心  
欲致前後四徵真曰吾既不能避形遠世豈飲洗耳之水哉遂深  
自隱絕友人郭正稱之曰法真名可得而聞身不可得而見迹名  
一而名我隨避名而名我追可謂百世之師者矣共刊石頌之號曰  
元德先生年八十九以壽終

高士傳

樊志張南鄭人博學多通隱身不仕嘗遊隴西時破羌將軍段熲出  
征西羌請見志張其女熲軍爲羌所圍因留軍中三日不得去夜  
謂熲曰東南角無羌宜乘虛引出住百里還師攻之可以全勝熲  
從之果以破賊於是以狀表聞又說其人既有梓慎焦董之識宜  
輔翼聖朝咨詢奇異於是有詔特徵會病終

後漢書本傳



扈累字伯重京兆人初平中山東人有青牛先生字方正客三輔曉

知星曆風角鳥情累隨方正遊學人謂之得其術有婦無子三輔  
亂隨方正入漢中漢中壞隨徙民詣鄴喪其婦至黃初元年又徙  
詣洛陽遂不復娶婦獨居道側以甌甑爲障施一廚牀食宿其中  
晝日潛思夜起仰視星宿吟咏內書人或問之閉口不肯言至嘉  
平中年八九十纔若四五十者縣官以其孤老給廩日五升不足  
食頗行傭以裨糧人與不取食不求美衣弊縵服後病亡魏畧  
劉仲始者長安市僧一爲市吏所辱乃感激遂行學問經明行修流  
名海內後以有道徵不就人歸其高三國魏志  
裴潛傳注

**百** 楊軻天水人少好易長而不娶學業精微常食粗飲水衣褐縵袍人

不堪其憂而軻悠然自得劉曜僭號徵拜太常軻固辭曜亦敬而  
不道遂隱於隴山曜後爲石勒所擒秦人東徙軻留長安

徵之軻以疾辭迫之乃發後歸秦州

晉書本傳

今隴州山中有軻遺跡

隴州志

**南宋**

韋元避吏隱長安南山武帝入關以太尉掾徵不至

南史韋叡傳

**陳**

馬樞字要理扶風郿人六歲能讀孝經論語老子及長博極經史尤

善佛經及周易老子義梁邵陵王綸爲南徐州刺史引爲學士綸

時自講大品經命樞講維摩老子周易同日發題道俗聽者二千

人樞依次剖判開其宗旨然後支分流別轉變無窮綸甚嘉之將

引薦於朝廷尋遇侯景之亂綸舉兵援臺乃留書二萬卷以付樞

樞肆志尋覽殆將周遍乃喟然歎曰吾聞貴爵位者以巢由爲桎

梏愛山林者以伊呂爲管庫束名實則芻芥柱下之言翫清虛則



糝糠席上之說稽之篤論亦各從其好也乃隱於茅山有終焉之志天嘉元年文帝徵爲度支尚書辭不應命及鄱陽王爲南徐州刺史欽其高尚卑辭厚意令使者邀之前後數反樞不得已乃行王築別館以處之樞惡其崇麗乃於竹林間自營茅茨而居每王公餽餉辭不獲已者率十分受一樞少屬亂離每所居之處盜賊不入依託者常數百家目精洞黃能視閭中物嘗有白鷺一雙巢其庭樹馴狎欄廡時集几案春來秋去幾三十年太建十三年卒時年六十撰道覺論二十卷行於世

陳書本傳

**北魏**  
魯新扶風人遭赫連屈丐暴虐避地寒山教授弟子數百人好方術

少嗜慾

魏書釋老志

杜景字宣明京兆人學通經史州府交辟不就子裕字慶延文學相